



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

30 April 2015

MESEJ KETUA PEGAWAI EKSEKUTIF

Baru-baru ini, kami terkejut mendapat tahu mengenai perubahan ketara dalam pemberian maklumat dan statistik berkaitan syarikat tersenarai awam di laman web Bursa Malaysia.

Kami telah menerima aduan daripada pelabur runcit dan dapati statistik dan maklumat termasuk pengumuman syarikat, keputusan suku kewangan dan laporan tahunan hanya boleh didapati di laman web Bursa bagi tempoh 5 tahun. Sebelum ini, maklumat tersebut boleh didapati bagi tempoh 10 tahun.

Sebagai sebuah institusi awam namun ia telah diperswastakan masih mempunyai tugas utama sebagai badan yang menegakkan integiti pasaran. Salah satu daripada tugas utamanya adalah untuk memberi maklumat sahih mengenai sebarang pengumuman syarikat kepada orang awam, badan-badan kerajaan dan pelabur secara khasnya. Tambahan pula ia juga adalah pusat rujukan setempat maklumat

Menghadkan maklumat kepada orang awam yang memerlukan tempoh yang lebih lama juga boleh mengakibatkan kepincangan penyelidikan pelaburan. Lebih-lebih lagi Bursa kini sedang menggalakkan pelabur runcit serta pelajar untuk memasuki pasaran. Terutamanya melakukan analisis siri masa.

Selain itu, adalah membimbangkan kerana tiada pengumuman yang jelas dibuat mengenai perubahan yang tesangat penting ini.

Kami berpandangan perkembangan baharu ini agak regresif. Penyelidik dan pelabur sememangnya memerlukan tempoh yang lebih panjang di mana maklumat tersebut sememangnya sudah pun tersedia.

Kami menggesa Bursa untuk mempertimbangkan semula maklumat penting ini bagi penggunaan pelabur awam yang bergantung kepada maklumat yang dipercayai untuk membangunkan pasaran pelabur runcit yang lebih cergas.

Rita

KEMASKINI MAKLUMAT PASARAN MODAL

BURSA MALAYSIA LANCAR PENYENARAIAN eSERVICES BAGI PASARAN

Pada 27 April 2015 Bursa Malaysia mengumumkan pelancaran Listing Information Network System (Bursa LINK) yang baharu dan satu perkhidmatan pertanyaan penyenaraian atas talian yang dikenali sebagai AskListing@Bursa bagi pasaran. Kedua-dua perkhidmatan tersebut adalah sebahagian daripada perkhidmatan e-servis Bursa saham yang akan menjadi saluran bagi Bursa saham untuk memindahkan semua pertanyaan daripada syarikat tersenarai ke atas talian serta mendigitalkan proses penzahiran dan penyerahan maklumat. Perkhidmatan tersebut menyediakan fungsi-fungsi digital yang lebih baik yang bertujuan untuk memberikan kecekapan yang lebih tinggi dalam proses dan masa yang diambil bagi proses-proses antara Bursa saham dan syarikat tersenarai, setiausaha syarikat serta bank pelaburan.

Penamaan dalam Bursa LINK secara khususnya, memperkenalkan ciri baharu yang membenarkan penyerahan secara elektronik bagi permohonan seperti Tawaran Awam Awal (IPO) dan aktiviti penjanaan dana sekunder. Proses yang diautomatikkan ini akan membantu memperbaiki masa untuk pasaran, meningkatkan kecekapan bagi semua pemegang kepentingan dan akhirnya, menggalakkan persekitaran operasi tanpa kertas.

Mengenai Bursa LINK dan AskListing@Bursa

Sistem Bursa LINK yang baharu ini dijangka akan menyediakan penyebaran maklumat yang lebih cekap dan efektif, dengan tujuan untuk mengurangkan kemasukan data, mengurangkan kesilapan transkripsi dan proses pentadbiran. Ia juga menyediakan proses automasi yang lebih tinggi terutamanya bagi penyerahan permohonan secara elektronik seperti permohonan bagi IPO dan penjanaan dana sekunder, seterusnya meningkatkan kecekapan bagi semua pemegang kepentingan dan masa untuk pasaran yang lebih baik. Manakala perkhidmatan pertanyaan atas talian AskListing@Bursa, merangkumi dua komponen utama iaitu saluran bagi pertanyaan dan keperluan penyenaraian secara interaktif.

[Sumber: Siaran akhbar di laman web Bursa Malaysia pada 27 April 2015]

PANDANGAN RINGKAS MSWG MENGENAI TRANSAKSI KORPORAT SEMASA

BERJAYA CORPORATION BERHAD (BJCORP) / REDTONE INTERNATIONAL BERHAD (RIB)

Penasihat Bebas, Mercury Securities Sdn Bhd telah menyatakan pandangan bahawa tawaran pengambilalihan adalah adil dan munasabah. Di dalam Pekeliling Penasihat Bebas bertarikh 27 April 2015, Penasihat Bebas telah menasihatkan pemegang saham supaya menerima tawaran pada harga RM0.80 bagi setiap saham RIB dan RM0.32 bagi setiap ICULS RIB yang lebih tinggi daripada julat nilai saksama sebanyak RM0.71 hingga RM0.76 bagi setiap saham RIB.

Walaubagaimanapun, terdapat dua pemegang saham tidak berkepentingan, iaitu Mathew Thomas A/L Vargis Mathews dan Jagdish Singh Dhaliwal yang telah menyatakan pandangan yang bertentangan daripada majoriti Lembaga Pengarah dan juga Penasihat Bebas serta menasihatkan pemegang saham untuk menolak tawaran pengambilalihan tersebut kerana mereka melihat harga tawaran tersebut sebagai rendah setelah mengambil kira potensi pertumbuhan jangka panjang dan prospek Kumpulan.

[Sumber: Pengumuman oleh RIB di laman web Bursa Malaysia pada 27 April 2015]

KOMEN MSWG:

Adalah sesuatu yang bukan kebiasaan apabila terdapat ahli Lembaga Pengarah tidak berkepentingan tertentu yang tidak bersetuju dengan pandangan majoriti ahli Lembaga Pengarah yang lain dan juga pandangan Penasihat Bebas. Malah beberapa ahli Lembaga Pengarah yang mempunyai kepentingan yang bersetuju dengan syor Penasihat Bebas, tidak menerima sepenuhnya tawaran oleh Bjcorp dan masih memegang sejumlah pegangan yang besar di dalam RIB untuk mengambil bahagian dalam merangka pertumbuhan masa hadapan Kumpulan RIB. Adakah ini satu mesej daripada pemegang-pemegang saham tersebut, yang menerima tawaran walaupun setelah mendapat pandangan daripada Penasihat Bebas, bahawa strategi terbaik bagi pemegang saham lain adalah untuk mendapatkan nilai sebahagian daripada pelaburan mereka di dalam RIB dengan menerima tawaran dan pada masa yang sama mengekalkan sebahagian saham di dalam RIB untuk terus mengambil bahagian di dalam potensi pertumbuhan masa hadapan Kumpulan RIB?

Satu lagi perkara menarik adalah sejak notis tawaran pengambilalihan pada 27 Mac 2015 hingga selewat minggu lepas, harga pasaran saham RIB telah didagangkan melebihi harga tawaran sebanyak RM0.80 bagi setiap saham RIB.

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my

Chong Chee Fern, Pengurus Besar, Pemantauan Korporat chongcf@mswg.org.my

Rebecca Yap, Ketua, Pemantauan Korporat rebecca.yap@mswg.org.my

Quah Ban Aik, Ketua, Pemantauan Korporat banaik.quah@mswg.org.my

Norhisam Sidek, Pengurus, Pemantauan Korporat norhisam@mswg.org.my

Shahnul Niza Bin Dato' Dr. Mohd Yusof, Pengurus, Pemantauan Korporat shahnul.niza@mswg.org.my

Lee Chee Meng, Pengurus, Pemantauan Korporat cheemeng@mswg.org.my

Wong Kin Wing, Pengurus, Pemantauan Korporat, kinwing@mswg.org.my

Nor Khalidah Khalil, Penganalisa, Pemantauan Korporat khalidah@mswg.org.my

Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini kecuali bagi Redtone International Berhad.*
-

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh

penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinaudithatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.